

**Regionalni centar Mostar**

Odsjek za poslovne usluge rješavajući na osnovu člana 7. Zakona o Upravi za indirektno oporezivanje („Službeni glasnik BiH“ br. 89/05) te člana 30. Zakona o postupku indirektnog oporezivanja („Službeni glasnik BiH“, broj:89/05), kao i člana 10. Instrukcije o postupku uvođenja posebne šeme dužnika („Službeni glasnik BiH“, broj:35/08) šef Grupe za prinudnu naplatu donosi sljedeće:

R J E Š E N J E

1. **UKIDA SE POSEBNA ŠEMA DUŽNIKA JAVNO PODUZEĆE RUDNICI UGLJENA TUŠNICA d.o.o. adresa sjedište firme: Silvija Strahimira Kranjčevića 3, Livno, odgovorno lice: Čondrić Goran, ID broj: 4281014570008 PDV broj: 281014570008, po rješenju : 02/6-1/III-16-D-229-2/11 od 21.03.2011.godine za dug po osnovu poreza na dodatu vrijednost u iznosu od 171.356,87 KM, objavljena u “Službenom glasniku BiH” broj: 23/11).**
2. Rješenje o ukidanju posebne šema se primjenjuje od dana objave u „Službenom glasniku BiH“.
3. Žalba ne odlaže izvršenje rješenja.
4. Ovo rješenje će biti objavljeno u “Službenom glasniku BiH” i dnevnim novinama.

O B R A Z L O Ž E N J E

Rješenjem broj : **02/6-1/III-16-D-229-2/11 od 21.03.2011.godine** uvedena je posebna šema dužnika **JAVNO PODUZEĆE RUDNICI UGLJENA TUŠNICA d.o.o., Silvija Strahimira Kranjčevića 3, Livno**, za neizmireni dug nastao po osnovu PDV-a za porezne periode: 1102, 1101, 1012, 1011, 1010, 1009, 1008, 1007, 1006, u iznosu od **171.356.87 KM**.

Dana 15.09.2010. godine Grupa za obradu poreznih prijava Regionalnog centra Mostar dostavila je prijedlog za uvođenje posebne šeme – inicijativu za inspeksijsku kontrolu Grupi za reviziju i kontrolu Regionalnog centra Mostar za dužnika **JAVNO PODUZEĆE RUDNICI UGLJENA TUŠNICA d.o.o., Silvija Strahimira Kranjčevića 3, Livno**, a na osnovu člana 3. Instrukcije o postupku uvođenja posebne šeme dužnika. Analizom dugovanja poreznog obveznika – dužnika, prema pokazateljima iz PDV prijava utvrđen je veliki iznos neizmirenih obaveza koje se konstantno uvećavaju.

Dana 29.09.2010. godine Grupa za reviziju i kontrolu Regionalnog centra Mostar obratila se aktom broj: 04/5-2/III-17-D-7736/10 Sektoru za poreze kojim traži suglasnost za kontrolu obveznika.

Sektor za poreze je svojim aktom broj: 04/2-17-1-37-1984-2/10 od 08.10.2010. godine dao suglasnost za kontrolu poreznog obveznika – dužnika **JAVNO PODUZEĆE RUDNICI UGLJENA TUŠNICA d.o.o., Silvija Strahimira Kranjčevića 3, Livno**.

Na osnovu dobivene suglasnosti izdat je nalog za kontrolu broj: 04/5-2/III-17-D-3-742-1/10 dana 17.11.2010. godine, na osnovu kojeg je izvršena kontrola za period 01.01.2009. godine do 31.12.2009. godine o čemu je sačinjen Zapisnik broj: 04/5-2/III-17-D-3-742-2/10 od 23.11.2010.godine, iz kojeg je Grupa za prinudnu naplatu izvela zaključak o opravdanosti uvođenja posebne šeme dužnika.

Rješenje o uvođenju posebne šeme dužnika zasnovano je na instrukciji o postupku uvođenja posebne šeme dužnika („Službeni glasnik BiH, broj:35/08) i članu 66. stav 3. Zakona o porezu na dodatu vrijednost kojim je propisana mogućnost da UIO naloži za određene registrirane porezne obveznike koji su u dugu – dužnike da se PDV na isporuke registriranim obveznicima PDV-a plati od strane primaoca isporuke.

Uvidom u službenu evidenciju u program ALICE utvrđeno je da je dužnik **JAVNO PODUZEĆE RUDNICI UGLJENA TUŠNICA d.o.o., Silvija Strahimira Kranjčevića 3, Livno**, izmirio dug po osnovu PDV-a.

Kako je dug koji je bio predmet postupka prinudne naplate izmiren to je shodno članu 10. Instrukcije o postupku uvođenja posebne šeme dužnika („Službeni glasnik BiH“, broj:35/08) doneseno rješenje kao dispozitivu o ukidanju posebne šeme dužnika.

Pouka o pravnom lijeku:

Protiv ovog rješenja može se uložiti žalba prvostepenom organu u roku od 15 dana od dana prijema rješenja, neposredno ili poštom, taksirana sa 10 KM administrativne takse u skladu s tarifom Zakona o administrativnim taksama BiH („Službeni glasnik BiH” br. 16/02,19/02,43/04,8/06 i 24/06).

Broj: 02/6-1/III-16-D-229-5/11
Mostar, 03.12.2012.godine

Šef Grupe za prinudnu naplatu

Ranko Todorović, dipl.prav.